

永樂大典

卷一四七四 鋪字

卷一四五七 鋪字

卷一四五七 鋪字等

永樂大典卷之一萬四千五百七十四 六暮

○鋪

洪武韻普故切。設也。陳也。又賈肆也。又見模韻。陸法十里設一鋪。每胡切。楊桓六書統。滂母。鋪余見模韻。滂母。熊忠韻會舉掌。左傳。有楚子

字漆。博義。著門。鋪首也。從金甫聲。所以街環者。作龜蛇之形。以銅為字。日行名金鋪。又虞韻。滂模切。趙謙聲音文字通。滂故切。見沽韻。此轉注要。太祖

定正字切。滂

篆

六書

草

鋪

並張錦溪見草書集韻

故滂娉偏鋪。

書

鋪

統

書

急遞鋪

事物紀原。蓋自三代有也。國語曰。晉以傳召伯宗。又吳王曰。徒遠來告。注云。徒。步。遽。傳車也。蓋子曰。德之流行。速於

置郵而傳命。皆周事也。然則遞蓋起於周。宋朝急遞鋪。凡十里設一鋪。每鋪設鋪長一名。鋪兵要路十名。僻路或五名。或四名。出職掌左傳。有楚子乘駟。駟。驛馬也。則馬遞之制。已見於周矣。漢文帝乃詔太僕見馬。餘皆給傳置也。筆談曰。驛傳舊有步馬急遞三等。急遞最遽。日行四百里。唯軍興用之。熙寧中。又有金字牌急脚遞。如古羽檄也。以朱漆木牌。金字日行五百里。軍前搬速處。分則速御前發下。三省樞密莫得與也。宋會要。太祖

建隆二年五月十七日。詔諸道州府以軍卒代百姓為遞夫。先是天下郵傳率役平民。至是帝知其弊。始盡易之。三年正月二十三日。詔郡縣起。今不得差道路居人。充遞軍脚力。太宗太平興國三年六月三日。詔自今乘驛者。皆給銀牌。復舊制也。五代已來。充遞馬奉使於外。止樞密院給牒。至是以李飛之詐。始復用馬。八年十二月六日。詔自京至廣州。傳置卒。月別給百錢。端拱二年二月七日。詔先是馳驛使臣給篆書銀牌。自今宜罷之。復給樞密院牒。淳化三年四月二十一日。荆湖北路轉運司張詠請罷峽州至歸州界水遞人夫。從之。真宗咸平三年八月十四日。詔應文武臣僚三班使臣。內臣。御前忠佐。天章待詔諸伎術官等。今後差出月當公事。所請走馬頭子。回日畫時。於所轄處送納。赴任即到。本任送納並繳納樞密院。訪聞差往四川廣南等處。知州通判都監監押。及月當事。朝臣有例乘遞馬者。多請走馬頭子。乘騎遞馬。即慢程進發。今後除急程赴任。及月當緊切公事。即得乞乘遞馬。餘不得更乞支借。如違犯並勘罪嚴斷。五年七月十二日。省自京至廣南驛遞軍士。及使臣計六千一百餘人。先是以廣南市舶陸運艱費。議自南安軍路汎舟抵京師。命戶部判官凌策與逐路轉運司計度。至是省之。人以為便。六年七月。樞密

院言馬遞宣敕付外。別無文簿拘轄縱有失墜。無由盡知。欲別置司。以簿發遣。帝曰。雖別置司。至逐房宣敕。不知到發。恐難照會。可照諸州軍。具逐月承受馬遞宣敕事目。及月日實封於次月五日。已前入遞聞奏。候至逐房。以文牒對會。景德元年二月。詔川峽路州軍監縣鎮等吏卒。乘馬遞報公事者。自今禁止之。先是以川峽州郡多駝騎往來。傳送官文書。及報公事。人或驚疑。故禁止之。二年三月。詔河北兩路急脚鋪軍士。除遞送鎮定總管司。及雄州文書外。他處文書不得承役。帝以急脚軍士晨夜馳走甚為勞止。故有是詔。四年閏五月。詔諸道州府逐處使臣。多以細碎不急事驛遞以聞。自今非機密軍馬事。不得輒遣驛騎馳奏。七月十日。增置自京至宜州馬遞鋪。大中祥符元年十月。詔沿路所置急脚遞鋪。蓋令傳送文書。如聞有近上臣僚。并往來中使。多令齎持物色。負重奔馳。咸不堪命。自今非宣敕。並不得應副。三年三月。河北沿邊安撫司奏。河北諸州軍馬遞鋪兵士。有父母骨肉。散在諸鋪者。乞配在一處。從之。五年十一月十二日。令諸州遞鋪兵士。有子孫同在軍籍者。許同營居。時有言鋪兵子孫皆異居者。帝憫之。特有是命。九年三月二十二日。置梓州至綿州遞鋪。先是命民丁傳送。今革之也。天禧元年十月。令樞密院諸房

副承旨邵文昭管勾支散遞鋪舊例驛馬有闕令群牧司左右驛驤院配
定進呈又命樞密院承旨張質管勾支散至是質卒命文昭代之三年

五月屯田員外郎上官佖言諸處巡轄馬遞鋪使臣多權差勾當職外公
事望自今免廢本職從之四年七月七日遣使市小車給鳳翔府至綿

州遞鋪仍為增葺鋪屋以道險且遠故也五年十月淮南江浙荆湖制
置發運使司周寔言自今轄下如有倉場庫務綱運為弊及水火損敗令

急速差官點檢非常程公事許給遞馬一疋從之乾興元年七月仁宗
即位未改元都進奏院言諸道州府往來遞角內所少諸般文字物色元

降條貫專牒巡轄馬遞鋪使臣驅逐根尋緣使臣懼遭勘責牙相推法欲
望自今巡轄使臣地分內有人偷拆遞角根究得實即更不問罪或乞理

為勞績如却為佗處根逐得實即取勘批上厝子得替日第降差遣從之
仁宗天聖元年五月二十六日詔內臣諸司使副供奉已下於諸處投

送金龍玉簡及建道場齋醮不得占使舟舡往來遞馬不得過三疋如違
並科違制之罪八月八日詔諸道州軍馬遞鋪兵士如有作過罪至杖

六十已上情理重及頻犯者並配隸本城下軍如無本城兵士即勒令重
役二年三月二十二日河北沿邊安撫都監張浚成言伏見天雄軍地

分馬鋪。闕馬長行皆抽差諸般雜役。有妨本鋪祇應。乞降條約。詔自今諸路馬鋪兵士。不得抽赴他處功役。七年閏二月。詔自今應係乘遞馬文武使臣。請到頭子勾當了日。晝時於合係去處送納。繳連赴樞密院。仰都進奏院指揮在京諸門馬鋪。每起供遞馬。如京朝官使臣。三日內非次實有事故。即具緣由於樞密院納換。仍令置簿拘轄。逐旋勾銷。有不納到者。勘會元給月日計程數催促。及取問住滯。因依聞奏。六月監察御史王嘉言言。昨承遞馬往信州。勘鞫公事。竊見蘄黃州界多差配到雜犯軍人充馬遞鋪祇應。別無人員鈐轄。多接便為非。剽竊行旅。欲望自今諸路馬遞鋪兵士。並於本城差無過犯軍人充。其配到雜犯軍人。只勒在營。有人負部轄處役使。詔轉運司相度。如無妨碍。即依奏施行。八月都進奏院言。自來馬遞鋪轉遞文字物色。逐鋪交割封頭皮紙角。但有損動破污下鋪。便具狀驗認所損去處。令前路據狀照會交割。遞角既稱封印不全。即沿路任使偷折。至投下處。或點檢文字物色數少。只是勾追元供狀人根勘。並不見得偷折損動去處歸着。欲請轉遞皮紙角物色等。始封頭裏角破損無憑交割者。即本鋪與元轉送軍人。同齎於所到處。知州縣或都監押及地分巡轄使臣處。晝時重添封印。仍別出引批鑒交割。如曾經偷拆。

即官負躬親拆開將內引數目點對據見在文字物色重封交割前來其
所少名件即就便根勘行遣牒報逐處如止是外引破損不忤封角者即
令逐鋪人負曹司具公狀隨遞照會前來或到投下處點檢數少即挨排
住滯時辰地分根勘從之八月十一日權三司使公事胡則言諸州軍
馬遞鋪多差本城指揮使或負條提舉訪聞所差軍負盡作優餉於兵士
處乞取錢物是致轉加貧困况逐鋪有節級部押及使臣巡轄欲望自今
更不差軍負提舉詔諸路轉運司勘會有使臣巡轄處即依奏施行如無
使臣處仰依舊存留仍鈐轄不得乞覓錢物違者當行重斷十二月詔
廣南福建江淮京浙路巡馬遞鋪使臣內有兼巡投私茶鹽勾當去處自
今令三班院選經歷事任人差充慶曆四年正月十一日以大雪賜河北
京西河東遞鋪軍士特支錢皇祐元年正月二十一日詔凡有邊警而
敢盜發遞角者斬十月二十三日詔馬鋪每一晝夜行五百里急脚遞
四百里四年七月九日詔自京至廣州增置馬遞鋪仍令內臣一負提
舉至和元年七月九日詔陝西轉運司自永興軍至益州遞鋪軍士方
冬苦寒挽運兵器不息其各賜緡錢有差嘉祐八年庚辰巳即位未改
元九月二十二日詔遞鋪住滯文字遲一時辰并半時辰各杖六十一時

半杖七十。兩時辰并兩時辰半杖八十。移配重難遞鋪。三時辰半杖一百。移配重難遞鋪。八時辰半杖二年。神宗熙寧元年正月十八日。樞密院上新定到文武官合乘遞馬條貫。詔可。先是諸色人給遞馬太濫。所在馬不能充足。以致急遞稽留。故也。二年六月九日。詔京朝官差川峽勾當。審官院依舊例出給人馬公憑。大使臣差川峽差遣。即仰開封府出給訖奏。更不申樞密院。四年三月七日。樞密院吏房言。勘會所給遞馬頭子。內自京差往外任。住城官員。雖於頭子內書填候到日。於本處送納繳連。樞密院其間多有不自繳到者。竊慮因循別生新弊。乞下進奏院遍牒諸路州府軍監。今後官員到任。仰取索有無遞馬頭子。如有立便勾抽繳連於樞密院送納。如有稽違。令所在申舉。乞行朝典。詔令都進奏院遍牒施行。其應短使及諸般差遣內臣大小使臣等。所給遞馬頭子。令於閣門并在京所轄處送納。令尚書刑部遍牒在京諸處。應係差出官員所轄人。纔候到京朝見。或公參日。並取索曾與不曾乘騎遞馬詣實文狀。如曾請領遞馬頭子。即便具狀繳連於樞密院送納。如違當行朝典。八月三日。點檢陝西路馬遞鋪趙約之言。乘遞馬者。如到州縣未發間。止許占一匹。候行日方許差撥州府公用等物。不許令遞鋪推般從之。七年四月十二

日。詔來遞馬者於水行州縣聽來升官以役錢雇。八年十二月二十一日。詔自京至廣西邕桂州已來沿邊置急遞鋪。仍令入內省差使臣一人點檢。元豐元年五月二十八日。上批。日者廣西凡有邊事五六處交奏。不惟過涉張皇。深恐沿路習為常事。或真有邊機。當速者。反致稽遲。可速下轉運提點刑獄經略邕州安撫都監司。自今非緊急邊事。毋得擅發急遞及經略司已奏者勿重複。如逐司自有所見。及經略司處置未盡。不拘此令。二年三月十七日。太原府路走馬承受金惟幾言。馬遞鋪兵窮困凍餒。乞加寬卹。上批。久聞鋪兵艱勒之狀。深可傷惻。今因惟幾到闕。面審其實。亟宜拯卹。可委河東都轉運使陳安石。速具措置以聞。七月三日。上批。陝西馬遞鋪人馬多闕。募軍興飛書遣使。此最先務。宜令西路提點刑獄文臣點檢補填數足。申明條約。開封府界委提舉官。八月十二日。詔入內省選差使臣二人。自京分詣陝西沿邊麟府等路。於遞鋪內選可充急脚遞鋪兵級。對換不堪走傳文字之人。仍相度鋪分地。里遙遠去處置腰鋪。二十九日。詔自京至陝西河東。用兵路分遞鋪。各賜特支錢。四年十一月二十三日。西京左藏庫副使鄧繼宣言。差提舉編排環慶府路馬遞急脚鋪等。竊見韋州至清遠軍驛。劄將官潘定劉清。日逐搜山道。

路通活別無阻節。其南州至韋州駐劄官將劉僅樂進。雖差下未至。即令靈州至韋州。向上糧道阻節不通。乞差近上臣僚多發廂軍。自新界柴棧溝每十里置一鋪。及鞫堡塞。以便運糧轉送文書。詔令胡宗回詳繼宣所奏。展轉移牒指揮劉僅等速赴所分地巡緝通道。令宗回具析見權本路帥領魚職在饋運道路梗澁。並不措置因依以聞。五年三月二十一日。詔陝西五路自大軍入寨之後。沿路馬逆鋪甚失編排。有妨轉送文字。專委官整葺。陝西差胡宗回王欽臣京西差梁燾。五月二十六日。蒲宗閔乞自秦州至熙州量地里遠近險易置車子鋪二十八。招刺兵士從之。

六年九月二十五日。詔鄜延路令毋輒出兵。令樞密院更不送門下省。止用金字牌發下。牌長尺餘。朱漆刻以金書。御前文字不得入鋪。猶速於急遞。七年八月三日。權河北轉運判官張適言。已遣第十五副將王文景領兵捕殺澶州界群賊。權令選來馬鋪馬七疋。詔張適不當差馬鋪馬給將下特釋罪。哲宗元祐六年四月七日。刑部大理寺言。敕降入馬遞。日行五百里。事干外界。或軍機及非常盜賊文書入急脚遞。日行四百里。如無急脚遞及要速并賊盜文書入馬遞。日行三百里。違不滿時者。笞五十。一時杖八十。一日杖一百。二日加一等。罪止徒三年。致有廢闕事理。重者

奏裁從之。徽宗建中靖國元年正月九日。都省劄子訪聞諸路馬遞鋪人例皆額闕。致見存應辦役使。倍有勞苦。往往不能依鋪分交替。因致鋪兵盤纏闕乏。多飢凍僵殍。或通逃聚為盜賊。逆馬易棘失時。枉有死損。詔令兵部行下。逐路監司疾速經畫措置。申嚴條約。裁損泛溢差役。及責立日限。委當職官招填投換額人兵。并量增價和買遞馬。並早令敷足元額。相兼應副役使。仍每月具招填過人兵及買到馬數申尚書省。三月二十七日。中書省尚書省檢會元符職判勅諸巡轄馬遞鋪使臣私役所轄兵級鋪夫罪輕者徒二年。不以赦降原減。看詳元祐以前編勅並無遇赦降不與原減之法。乞止科徒二年罪從之。崇寧元年六月十四日勅鼎州龍陽縣永安鋪與陵名相犯。改為龍潭鋪。七月十八日。都省批送下成都府路轉運提舉司奏劄會本路諸州軍每年差衙前管押上供及別路年額衣賜并坊場錢買到物帛綱運不少。多是沿路闕少遞鋪積壓住滯。雖有本條。如逆鋪闕人。許差廂軍及和雇人夫。沿路州軍往往不為便行應副。蓋是自來未有立定罪名。不任其責。今欲乞今後川路諸般綱運至州縣闕少鋪兵。承受申報。不為依條差那廂軍或和雇人夫貼鋪遞送。以致住滯。許押綱人經本州及逐路監司次第陳訴。或至卸納州軍申

陳移牒所屬。擬治施行。其于繫官吏。並依綱運無故稽留。初條一等科罪。所貴各公共協力。應副黃貼子。稱乞縣無廂軍處。如少逆鋪便行。和雇人夫。及遂縣作料次。預先請領封樁。闕額逆鋪廂軍。請受錢。在縣樁管準備。文遣如無或不足。即於轉運司錢內依此樁撥。伏乞下有司於元條內修立施行。兵部駕部勘當欲依所乞。仍令逐州量度。並定每料錢數。應副及川路諸般綱運所至州縣。闕少鋪兵。依條差那廂軍。或和雇人夫貼補。即難將諸般綱運一例差廂軍。或和雇外。欲令外縣承受到上供錢物。及應副別路額衣賜綱運申報。闕少鋪兵。具合差人數申州。及差廂軍。如闕便令本州行下本縣。依舊和雇施行。戶部右曹金部度支看詳。施本部別無違礙從之。十二月二十二日。兵部狀。點檢編排自京至荆湖南北路馬逆急脚鋪所狀。今點檢得鼎州教山鋪至辰州門鋪人馬除傳送文字外。其餘人馬多緣應副軍興差出。勾當官負諸色人打過體訪得上伴鋪分。蓋是役多人少。自來鋪兵傳送不逮。多作打過名目。影占身役。見別作擘畫外。檢會元符令諸急脚鋪兵不得令傳送官物。蓋緣上項法意未盡。致官負諸色人等。無所畏憚。欲乞下有司立法。應官負諸色人。合破逆鋪檐擎輓役急脚鋪兵士。或曹司者。以違制論。詔依兵部所申。二年正月二十

日駕部員外郎陳賜狀。竊見諸路遞馬。近來兵級養飼不切如法。多是死損。以致闕馬。欲乞令州軍記籍死數。至年終將逐鋪馬數。各以三分為率。無上件致死者。管轄節級優立酬賞。若有及五釐以上。即科重罪。及一分以上。仍移降重難去處。其巡轄使臣至界終降。依條比較分數。殿降外。更與加賞。罰節級。自來未有賞罰。兵部勘當欲依本官所乞事理施行。內馬鋪節級。每至年終。如無脫減致死者。與支賞錢壹貫五伯文。若有及五釐科咎五十。及一分以上。科杖七十。詔依兵部所申。四年九月十八日。尚書省奉御筆。舊條事干外界。或軍機并支發。借兌急切。備邊錢物。非常盜賊之類。文書方許入急脚遞轉送。擅發急遞。自有立定刑名。近來官司申請許發急遞。司局甚多。其間有將私家書簡。並不依條入步遞遣發。却旋尋閑慢閑移。或以催促應入急脚遞文書為名。夾帶書簡。附急脚遞遣發。致往來轉送急脚遞角繁多。鋪兵疲乏。不得休息。可參酌立定斷罪刑名。今立下條諸文書。雖應入急遞。而用以為名。輒附非急文書者。徒一年。附私書之類者。加一等。從之。大觀二年三月十四日。詔秦鳳路鳳州鳳翔府寶鷄諸縣當川陝之會。郵傳人卒。月給錢糧。錢輕物貴。而糧多坐倉收糶。食用不足。以故逃逸者衆。招募不行。遂差雇百姓。運致官物。監司恬不

措置而州縣利於差科配擾良民不給雇直阻滯綱運可令提舉常平官體究事實其弛慢官吏聞奏三年二月七日荆湖北路計度轉運副使李偃言本路日有朝省急速迎角往來續承朝旨如有住滯急速文字其提舉官一例重行黜責今日近朝省發來急速動經三四十日馬步迎經及五七十日至三兩月以上方始迎到全然遲滯蓋為迎角自都下經由府界京西湖北路界內積留稽滯本路文字無緣點檢根催深慮闕悞乞令其弛慢不職因依一面申聞朝廷重行黜責從之政和三年二月二十九日尚書省送到劄子勘會急脚及馬迎銷昨措置私拆盜毀亡失留滯約束法令備具近來所屬官司並不檢舉覺察近奉聖旨措置今欲依下項契勘昨為巡轄所管地分內有千里以上地分廣闊去處例皆檢察不遍且如江西路虔州等處使臣一員見管地分三千八百餘里顯是不能依限巡遍致鋪兵作過今欲每及千里差置一員舊額多寡處有依舊仍仰逐處路提舉官將所添使臣以州軍遠近道路順便接連去處重別均定其合以某處窠名申吏部差注所有不曾添置去處如見管地里輕重未均亦仰重行均定其使臣解字仍於所管地分中路安置梓州路七千四百餘里管轄使臣四員欲添置三員夔州路六千五百餘里管巡轄

使臣三負江西路七千三百里管巡轄使臣三負欲添置四負湖南路除
潭衡邵州武岡軍各置巡轄使臣一負外永全道郴州桂陽監三千八十
五里共管巡轄使臣二負欲添置一負河北東路四十八百餘里管巡轄
使臣五負河北西路四千五百餘里管巡轄使臣五負河東路九千六百
餘里管巡轄使臣九負京畿三千八百餘里管巡轄使臣六負熙州蘭湟
路四千六百餘里管巡轄使臣八負廣東路五千一百餘里管巡轄使臣
七負欲更不添置廣西海北二十三州計一萬二千六百餘里管巡轄使
臣六負欲添置六負廣西海南瓊州昌化軍萬安軍朱崖軍共四州軍自
來只是巡檢兼管巡鋪未嘗專置巡鋪使臣欲專置巡轄使臣一負京東
路五千九十餘里管巡轄使臣四負欲添置一負利州路四千一百二里
管巡轄使臣六負欲更不添置勘會迎角稽遲在法止是縣尉巡轄使臣
有立定賞罰條格而縣官皆不任責亦無勸賞遂使巡轄使臣巡歷未至
去處坐視違滯並不檢察欲馬遞鋪並令知縣縣丞主簿同共管轄檢察
任滿及歲終以所管界內急脚馬遞鋪承送迎角賞罰內知縣丞比縣尉
各減一等即無可減降及主簿並同縣尉法檢會令文諸急脚馬遞鋪州
縣鋪寨興廢或道路更移及官移文書隨事多寡而鋪兵遞馬有餘或不

足者聽巡轄使臣申州量事那移更不得抽差他役。令諸路並不留依上條施行。致銷兵轉送官物文字。勞逸不均。欲令提舉馬遞鋪官委巡轄使臣逐一參詳。若依上條有合行移鋪分及添減人兵去處。仰重行均定。訖申尚書省勘會。巡轄使臣今已立定。每及千里一負。然所居地分亦不下三五州軍。雖比舊巡轄稍頻。緣終是不得專一契勘。急脚馬遞鋪除依舊每二十人差置節級一名外。並無將校等催促轉送部轄。欲令逐路轉運司除舊人數差置節級外。諸州每及百人置十將一名。每二百人仍置都頭一名。五百人更置將校一名。部轄及往來催促遞角官物。其合置人數仰轉運司付逐鋪見管人兵立定。合如何排轉其狀申兵部。類聚措置。合轉階級申尚書省。未轉補間。令先次且於本城內差撥候有轉補到人。逐旋替換。詔依擬定。四年十一月三日。京西北路提舉常平司奏。欲乞本司應奉西幸事務。往來遞角權入急脚遞轉送。詔應西幸事內急速者並入急遞。六年十一月十八日。詔訪聞諸路馬遞鋪傳送文字多有住滯。沉失并偷拆等事。昨降指揮措置。差補將校部轄可檢會申明。行下所屬限十日須管差置了當。申尚書省類聚聞奏。七年六月十五日。宣義郎殿中丞李佖奏。募差自都至陝西點檢急遞。歷陝西六路沿邊州縣將御

前金字牌等處通角逐一驅磨盡已了當并催督綱運津遣並無遺誤詔李必轉一官。重和元年十二月十五日兵部奏承權發遣提點淮南西路刑獄公事兼提舉馬遞鋪所俞向狀准批送下淮南西路兵馬鈐轄司狀講究得諸軍兵如有逃亡之人不即申發隱避詭名請領衣糧等欲立定刑名告賞等事送兵部勘當申尚書省本部契勘巡轄使臣任內逃亡鋪兵責罰已有條令任滿比較自合遵依先行條貫所乞將兵官歲終以所管鋪兵比較推賞及乞覺察詭名及冒名承代請受立定分數推賞事節乞下本路提舉馬遞鋪官相度今相度下項淮西鈐轄司所乞巡轄使臣比較逃亡及二分展磨勘二年今相度欲比附前項勅條候任滿不及一分減磨勘二年從之諸路依此。宣和元年四月十一日朝奉郎直秘閣權知洪州徐惕奏檢會近緣去年五月以後頒朔布政詔書并急遞等文字遞鋪住滯過期方到已奉御筆令轉運司體究巡轉遞鋪使臣先次衝替與當職官並勘罪奏今來正月頒朔布政詔書係十二月二十一日入遞沿路住滯經及三十四日方到雖在本月內已是下旬然當月止有五日常契勘逐時都進奏院遣來急遞朝廷文字亦多是經及四五十日詔書依御筆指揮日行五百里常程急遞日行四百里其沿路遞馬鋪尚